

左恪靖侯奏稿初編

序

同治四年冬恪靖伯少保左公龕定東南之亂聚粵寇
嘉應殲焉明年春主師凱旋閩中武備久弛吏治失修
公還銳意興復以創爲因不數月百度維新秩秩咸理
頑廉懦立風俗一變其年秋

天子以西陲師久無功

詔公提得勝師移營陝甘行次漢陽得

旨佩欽差大臣印乘節制兩省兵平賊向讀歐陽文忠
外制集序敘慶歷之際朝廷信任韓范二公入則參知

政事出則經略邊陲許爲聖賢相遭萬世一遇以今方
之又豈有異哉方公之西也大春適奉

命權提福建陸路軍事而公又以損兵益饟事懃懃相
屬致不果從回憶辛酉壬戌之交全浙河決魚爛時公
以太常卿督師先埽平江皖乃移軍三衢旣乃被巡撫
浙江之

命大春正以浙事奉

嚴旨褫職待對簿於衢公以嚴州士民之請爲上於
朝俾効力行間以贖前負自後大軍規金嚴規甯紹規

杭湖每戰皆捷大春率一旅之師無不皆從列郡珠還
鐫級汴復起罪廢之餘其獲有今日者公一人力也故
每讀當時薦牘感

朝廷棄瑕錄用格外矜全與公爲國憐才維持調護苦
衷輒令人且感且泣蠶然不知涕之從落也浙事旣平
餘燄熾開廣交公聞警先以三路兵分水陸倍道赴援
自帥中軍繼之十餘年劇寇是役草薶禽獮幾於無有
予遺所漏網者汪海洋之黨而已及公節制三省之
命下首定長圍困賊之策以爲一鼓成禽計鮑提督超

者猶將也向提數萬眾獨當一面以善戰名江楚間聞公大舉深入自上疏請以所部聽指揮於此見公用兵之神一時名將傾倒敬服類如此又奚怪乎旌旄所指迅奏膚公偶有緩急

廟堂之上輒相需如左右手也在公忠誠貫日月義氣薄雲漢苟利國家外此百所弗計故雖兵間積苦從未嘗以况瘁形於詞色窮冬苦寒風雪交作窮廬積霰高與身等公擁緇布絮裘據白木案手披圖籍口授方略自晨至於日昃矻矻不少休息軍事旁午官書山積亦

必一一省治最下裨校寸稟尺牘皆手自批答示其要
領蓋公之忠勤本出性生而天賦精神才力又足以副
之以大春所見其刻苦往往有窮措大所不能堪者而
公處之晏如也然在局外觀之終不能無耿耿耳矧夙
蒙國士之知如大春者乎間得西來消息聞回捻交誼
戎事孔棘則愀然以憂蹶然而起深夜披衣以興往往
至於三四及王師屢捷好音迭來則又不禁心焉以喜
出門西望听然而笑仿佛置身百二山河間聽壯士長
歌入四扇潼關也究其憂喜之端自亦有莫測其故者

待罪於茲忽忽三載疆圉無事金革不興治兵之暇稍
及文事因出公生平奏議而卒讀之庸自課焉其在張
駱兩大司馬幕所著湘中兩湖二稿已刊諸福州矣集
同治紀元己亥訖丙寅秋得廿八卷謀詩諸梨棗以廣
其傳幕下客徐都司葆爾雅究心於古人之文嘗謂觀
近章疏膚淺俚俗去古彌遠唐宋以奏議名家者首推
陸宣公蘇文忠觀其所上萬言書疏牋表劄子非不敷
陳時務條其利病其引古也經經而緯史文而不流於
迂其論事也剴切而詳明質而不流於俗以古人之筆

行今人之文不解而人於古求之當代大人先生某得
二人焉一則大中丞幼丹沈公其一則左公也蓋沈文
如懸崖峭壁蹊逕獨別其妙處得古人之高而公文則
長江大河一波未平一波復起其妙處得古人之大不
知者以公功在社稷名列旂常疑其文章或爲勲業所
揜要之珠光劍氣固各有不可磨滅者在也梓而行之
固夙被恩知者所宜有事亦使後世讀公之書得以想
見公之爲人而公頻年馳驅戎馬衝犯鋒鏑一片忠君
愛國之懷亦遂昭然顯揭於天壤之間豈不偉哉豈不

偉哉大春避其言因卽屬以編校之役始丁卯秋九月
六閱月而剞劂者以訖工告既喜燦然成帙有以公諸
同好而垂示永永也其政以不文辭而遂嘿嘿已乎夫
公以名孝廉起家戎幕抱不世出之才會國家多事之
秋不十年位躋封疆任降師保分茅胙土異數酬庸可
謂極千古文人之榮遭際之隆所謂韓范者或威名事
業堪與相埒而君臣之際疑謗交乘旋用旋已在歐公
推轂本朝措詞不得不爾以云一德之盛則曾乎遠矣
粵寇金田倡亂流毒海內垂二十年

朝廷宵旰憂勤命將出師力痛財殫天下之大已漸成
瓦解土崩之勢以視韓范當日所處難且十倍自楚軍
出兵威日振寇燄因之日衰凡以三湘七澤之雄得名
行間其後秉鉞登壇經略數省豐功偉烈至今赫赫照
人耳目者不一而足要皆公贊襄帷幄所汲引提挈爲
多蓋楚軍之用舍實與寇成敗盛衰一大關鍵惟楚有
材得以空羣竭澤畢出以供國家之用卒收東南糜爛
之局又公一人實爲之關鍵觀人當於其大然則謂粵
寇之平始終皆公一人力焉可也彼拘墟者囿於一隅

之見震於目前之功其又烏足與語公之深哉集成輒
書所見并諸簡端以質海內之讀公書者若夫行文之
法固未知其於行兵何如若仍不外乎奇正變化從衡
離合虛實擒縱之奇照應起伏之妙則大春觀公行文
之日久矣雖陸蘇復生政恐未必多讓同治七年歲次
戊辰花朝後十日署福建陸路提督提督銜福甯鎮總
兵官衝勇巴圖魯舊部黔中羅大春謹序

左恪靖侯奏稿初編總目

卷一

督辦浙江軍務據探省城失守現辦情形摺

請催調各路營勇來浙並迅發捐輸部照片

請速令劉總兵募勇來衢設立水師署衢鎮片

補授浙江巡撫謝恩摺

奏官軍由徽入浙三獲大捷衢屬開化肅清摺

覆奏駐軍開化馬金街正可兼顧衢城摺

附奏官軍入浙應設糧臺轉運接濟片

叙保軍中尤爲出力官員以資贊助片
請迅敕催調所知各員速來軍前差委片

卷二

進攻遂安克復縣城摺

覆奏籌畫進取情形摺

回援衢州江山兩城圍解摺

遂安官軍兩次擊賊獲勝立解城圍摺

李楊兩逆遁竄現籌進剿情形摺

瀝陳餉項支絀籌辦艱難情形摺

查抄革員張景渠原籍資產摺

甄汰安越軍存留五營片

保奏材堪司道等員摺

訛明王履謙貽悞情形據實參奏摺

卷三

衢州東南北三路一律肅清摺

探報湖州府城失守片

道員籍差回籍延不歸營請 旨革職片

查明浙江失事文武各員片

甯台郡縣克復溫郡漸就肅清摺

請援照湖北米捐減成章程收捐以濟軍食摺

蠲免浙省錢糧敬陳辦理情形摺

請飭催道府各員迅速赴浙摺

馳援遂安擊敗大股逆賊摺

總兵請假回籍遴員接署摺

查遣衛防兵勇片

查辦失守文武先將情罪較重之員定擬摺

寬免處分謝

恩摺

遵

旨將已革藩司提督正法片

審擬秦遊擊債事緣由片

進攻龍游截勦大股逆賊獲勝摺

收復郡縣查悉賊情布置大概片

訪聞已革道員資財寄頓片

保獎迭次打仗出力員弁兵勇摺

攻勦迭勝克復縣城要隘情形摺

請以秦提督署浙江提篆赴甯波片

請飭崇副將順解馬匹赴浙片

遴升赴口員馬懇准免稅片

浙江藩司請仍交道員代理片

查參道鎮知縣各員摺

失事弁兵母許收伍片

卷五

逼攻龍湯縣城賊壘情形摺

發給勒伯勒東劄憑片

派兵駐防猷休地方片

已革道員暫緩拏問片

遊員接署甯波知府片

攻剿嚴州克復郡城摺

附陳賊情並監放炸礮片

請將知府留浙補用片

請飭部續發米捐執照片

會銜奏官軍會剿竄徽之賊克復績溪等城摺

請應題應咨各件暫緩辦理片

卷六

剛攻龍湯兩城截創金蘭援賊情形摺

定海兵團會同輪船搜捕海盜情形片

查明副都統關門殉難情形摺

請將陣亡參將 賜卹片

查明失事可原各員懇請免罪摺

請將殉難知縣 賜卹片

懇准已革總兵留營差遣片

連復郡縣生擒首逆摺

請將高總兵仍留浙江軍營片

查辦浙省失事各員分別定擬摺

卷七

奏報連復六縣布置情形摺

分別審辦龍游首逆片

遞陳餉項支絀緣由片

請將楊知府開缺以道員用片

奏報克復郡縣城池布置情形摺

遞陳浙省殘黎困敝情形片

浙江初次米捐援例請獎摺

請將初次米捐照常嚴獎片

陳明紹興蕭山克復詳細情形摺

查明法國參將陣亡請卹摺

浙江甯波新關經費請作正開銷摺

甯波新關另設巡船經費請於洋稅項下開銷片

卷八

奏報富陽皖南兩路獲勝情形摺

請調京員並卽用縣之新進士赴浙差委片

請飭道員兼督松所鹽務片

進剿富陽按賊大獲勝仗情形摺

奏報馳剿徽休賊匪獲勝情形摺

請卹杭湖殉難文武大員摺

恩錫浙省錢清請於二年之上冠以同治二字欽遵片

劣紳倚勢壓民請先革職嚴辦片

奏報進剿祁縵賊匪克復縣情形摺

陳明溫州海關改由溫處道就近徵解片

請卹浙江殉難文武官紳摺

卷九

補授閩浙總督謝恩摺

奏報截剿富陽新城援賊大勝小挫情形摺

覆陳裁汰開軍並臺灣等處軍情片

附陳誘獲盜首顏馬登等斬梟片

奏報浙師越皖援江迭獲勝仗情形摺

軍中患疫擬俟秋涼力圖進取片

請將已革道員勒追京米捐款再行捐輸賑米片

請設閩浙總糧臺派員總辦摺

請將貪橫不法之員提督革拿查抄摺

遊員委署提督篆務片

卷十

請將克復金湯龍蘭及肅清浙東郡縣出力人等獎敘摺

奏報迎剿竄夥股匪獲勝收復夥縣情形摺

剿辦奇田土匪事竣首犯就擒緣由片

甯關洋稅動撥有由俟浙西肅清再行解京片

浙師援江獲勝江境肅清回徽防剿摺

附陳石太無糧可據賊難入踞情形片

嘉義勇漢散請將貽悞提督革職拏問摺

請將援剿遷延之將備革職分別查辦片

奏報克復甯波慈谿等府縣并請獎敘鎮海出力人員
摺

外國官兵助剿出力請酌賞物件片

請卹上虞縣殉難紳士片

秋審人犯請展來春補辦并解由巡道勘審片

陳明浙海關循照成案扣足接徵摺

請將罵賊不屈之監生議卹片

卷十一

奏報克復富陽縣城情形摺

水師將弁陳懇展緩保奏片

請將前克復績祁出力浙軍人員獎叙摺

桂臬司徐縣令循祥卓著懇下史館立傳表彰摺

陳明仍駐嚴州捐機布置及病愈摺

閩省陸路千把總請仍復舊例拔補摺

進攻杭州兼圍餘杭疊獲勝仗情形摺

浙師截剿皖南賊匪疊獲勝仗情形摺

奏報捕獲溫台金錢會匪首要各逆辦理緣由片

陳明代統老湘軍之王道請假回籍省親片

臬司任營開計丁憂請 旨遵辦摺

請准浙省拔補武弁暫免挨查缺次並免回避片

卷十二

奏報截剿甌浙逆匪收復四縣迭勝情形摺

復陳大皖浙軍應調回進剿及籌兼顧情形片

攻剿杭州餘杭踞逆迭勝擊斃首逆情形摺

覆陳杭嘉湖滅漕情形摺

陳明劉某初丁憂回籍治喪情形片

陳請紹屬四縣本年應徵錢糧分別緩徵片

請議卹餘姚縣殉難之紳士片

攻剿餘杭踞逆大獲勝仗情形摺

援剿江皖出力人員請獎摺

覆陳籌辦軍事情形片

卷十三

敬陳閩浙提鎮司道府各官年終考語摺

攻剿餘杭踞逆兩勝一挫情形摺

奏報收復海南州城摺

瀝陳分別剿撫相機辦理片

奏報賊由蘇皖突竄浙境截剿迭勝摺

奏報收復桐鄉縣城摺

附陳近日軍情片

請飭張臬司帶勇赴任劉臬司募勇助剿片

陳明酌擬 頒賞洋將人等物件片

卷十四

奏報浙師獲勝並會蘇師攻克嘉興府城摺

援軍請將降人蔡元吉賞保文職片

附陳杭州餘杭攻剿情形片

奏報攻克杭州餘杭兩城摺

詳陳攻克杭州餘杭兩城實在情形摺

陳明錢貴仁事前通款貸其一死片

洋將助克杭城出力擬請 獎賞片

奏報克復武康德清石門三縣摺

陳明進駐省垣設局賑撫籌辦情形片

截剿竄賊兩獲大捷并規湖州情形摺

陳明覈減紹興府屬浮收錢糧摺

卷十五

浙省餉項支絀陳請照常收捐摺

奏報進規湖郡迭勝並攻克孝豐生擒首逆摺

附陳江省近日追剿汪丁二逆獲勝情形片

附陳閩邊軍情片

陳明覈減甯波府屬浮收錢糧摺

陳明江省減成米捐已飭停止裁撤片

卷十六

攻勦湖郡安吉踞逆迭次苦戰情形摺

進規湖郡迭次苦戰獲勝情形摺

附陳日月山等處踞逆歸降並收復湖州城片

卷十七

查明浙省失事應辦武員分別定擬摺

截剿竄賊大獲勝仗情形摺

奏報截剿竄賊獲勝全浙肅清情形摺

附陳起獲黃逆屍首梟示情形片

附陳杭城餘匪竄出情形片

浙餉支絀欠解甘餉無從籌撥摺

浙軍出境追剿連獲勝仗情形摺

附陳提訊忠逆之子李士貴口供賊情片

覆陳杭州殉難大員死事詳細情形摺

乍浦頭關二口未能啟徵情形摺

擬請湖州關稅暫由溫處道徵解摺

議請兩浙商鹽試行運票摺

奏報賊竄閩疆撥兵援剿摺

請飭浙江撫臣速赴本任片

附陳庫賊雖退龍巖應速援片

懇准提督回籍調養傷疾摺

陳明浙江提督委員署理帶兵援閩片

卷十八

奏報臬司受傷遴員接署赴閩會勘摺

浙餉維艱陳請抵解甘餉摺

請將本任廉銀作為京餉報解片

附陳運司未能赴任懇請開缺片

陳明全浙漸清廣東協餉停止片

寬免歲處謝

恩招

請獎克復杭州等城出力將士招

請獎外國助剿出力員弁片

附陳所保員弁免其加考毋庸核減片

議裁杭嘉湖三屬漕糧太繁情形摺

請將北新關暫緩開設田產捐撈抵關稅摺

敬陳薦舉人材摺

卷十九

錫封伯爵敬懇允收成命摺

奏報交部赴閩督師剿賊摺

援閩軍餉出浙籌撥解應片

郵篆後徵陳浙江應辦善後事宜片

密陳記名提鎮切實考語摺

直陳李革司被參情節摺

覆陳被參鄧道巡禦不力請革職片

奏報督師行抵浦城見籌剿辦情形摺

請將丁憂臬司開缺幫辦軍務片

攻剿漳汀踞逆及見籌剿辦情形摺

查參畏賊玩法之將并片

再陳懇辭伯爵摺

卷二十

密陳提鎮司道府年終考語摺

查明臬司殉難詳細情形請卹摺

連城漳州進剿獲勝情形摺

附陳逆賊鼠陷長泰縣城旋即收復片

李同知陷賊不屈請免議并前議卹註銷片

瀝陳閩省因歉情形請調員差示摺

再請濟閩諸餉仍如數籌撥片

錫封一等伯爵謝恩摺

奏報進剿復勝會克永定龍巖情形摺

卷二十一

汀連龍潭分軍進剿大捷情形摺

請禁駐廈洋官私交髮逆摺

追剿獲勝汀連肅清現籌辦理情形摺

吳提督雇船來閩會剿請帶員弁差遣摺

兩路進剿疊勝現籌辦理情形摺

附陳蘇軍到閩日期片

請卹全家殉難之詔安趙知縣片

舟師緝獲通賊洋匪解滬訊辦摺

請將會辦通逆洋匪之中外出力各員獎勵片

陳請浙省應解甘餉仍飭改撥摺

卷二十二

分路進剿疊勝現籌辦理情形摺

附陳七湘營會攻賊壘情形片

請將庸劣之鎮將知縣分別摘頂革職片

永師搜獲濟逆西洋人船軍火請獎各員并

請將庸劣之鹽道革職清先交代歸項片

進逼漳州大捷現籌辦理情形摺

奏報攻克漳州府城南靖縣城情形摺

附陳攻拔苦竹賊壘情形片

閩省腹地未清未能先顧鄰省片

卷二十三

奏報追剿鼠賊獲勝連克浦寧和三城摺

收復詔安首逆乞降截剿逆賊疊勝情形摺

附陳攻克甯靖縣城詳細情形片

奏報在關肅清現飭越境追剿摺

請將剿賊大勝殲除要逆之原道等獎卹片

附陳侍逆業已伏誅片

請調援閩得力之軍回蘇聽候調派摺

陳明調派水師沿海巡緝片

奏報攻毀匪巢餘逆淨盡摺

附陳下府民俗并辦土匪情形片

清釐閩營欠餉并募兵餉摺

卷二十四

閩商舉被陳請准予改限帶完摺

歷陳閩商積欠請試行粟運摺

閩省商疲課絀懇請減免積欠帶輸銀兩摺

附陳分派師船巡緝閩浙洋面捕盜片

越境剿賊迭勝並擊退閩邊竄賊情形摺

附陳剿辦下游土匪情形片

恭報蘇軍回滬日期并請應否派署提篆摺

請將老湘營官熊參將革職等因片

懇將瓦礫撥江前清衛部各員照原請給獎摺
特參年力就衰之司道摺

卷二十五

閩軍剿賊獲勝現籌辦理情形摺

附陳湘軍索餉爭鬧情形片

浙省庫款支絀請免撥添協餉餉摺

擊賊獲勝各軍分道進剿摺

請將救拔不力之將備革職等因片

分路進剿大勝現籌辦理情形摺

奏報克復鎮平縣城追剿獲勝情形摺

附陳鮑提督所部仍請由該員自爲主持片

覆陳查明侍逆已爲汪逆所殺情形片

陳請准將曾道留閩俟補缺後送部片

克復武康等城暨截剿竄賊出力員弁請獎摺

請給楊果司三代二品封典以示優獎片

請將助剿出力洋將給予加銜翎頂片

查明迭次打仗陣亡傷故員弁請議卹摺

卷二十六

追剿竄賊大捷現籌辦理情形摺

附陳土匪搶奪官軍輜重軍火情形片

截剿獲勝現籌辦理情形摺

官軍追剿逆匪被黃陂墟一帶土匪搶殺片

請將病故道員從優議卹片

懇請收回節制三省各軍成命及近日賊情摺

官巡幫額不敷現飭疏銷籌補摺

浙軍援江克復縣城出力員弁併案請獎摺

覆陳廣東軍務貽悞情形摺

陳請改派訪查事件及應行回避摺

附陳軍營染患時疫情形片

剿辦土匪情形并請將疏縱知州革職留任摺

卷二十七

賊踪竄粵現擬相機防剿布置情形摺

保奏人員先後異職請交部察議片

籌調官軍分路進剿布置情形摺

覆陳廣東李藩司粉飾軍務情形片

附陳督署事件委藩司代拆代行片

擬陳開鹽試行票運情形摺

請將陣亡之何副將等議卹片

師船獲盜出力員弁陳請獎勵摺

卷二十八

漸逼嘉應現籌合圍情形摺

擬陳廣東兵事餉事情形片

剿辦龍溪縣屬土匪殄除殆盡摺

請將侵挪軍米之知縣革職等因片

附陳鮑提督親喪服闋在籍請制期滿片

奏報席應東路痛剿大勝首逆伏誅摺

請將黨賊殲難之遊擊優卹建祠片

閩省鹽場繁缺陳請暫歸部選摺

卷二十九

奏報收復嘉應州城餘孽蕩平摺

請給劉幫辦三代一品封典片

陳明鞠訛偽總統胡瞎子凌遲處決片

奏報粵東軍務速戡班師回閩摺

請將歸誠之黃朋厚免罪給守備銜片

軍務完竣提臣應令各赴新任摺

陳明劉部辦劉鎮康道回籍省親省墓片

陳明入粵助剿各軍分起回江西日期片

附陳派員查辦汀漳興泉永一帶土匪片

瀝陳仍檄高提督帶所部赴任片

恩免蔡議謝恩摺

卷三十

奏報齋匪闖入崇安建陽旋即收復情形摺

恭報回省日期及沿途察看情形摺

陳明譚體元伏誅緣由片

陳請撫臣暫緩北上片

陳明浙江協濟關餉停其委解片

請將已革吳副將開復原官留閩補用摺

賞戴雙眼花翎謝恩摺

補陳閩浙提鎮司道府各官年終密考摺

軍功武職復中武科應否註冊註銷陳請核議摺

卷三十一

剿辦齎匪越境追剿淨盡情形摺

馬副將好學知書陳懇改用文職片

陳明續辦上下游各屬土匪情形摺

克復紹興等城出力各員請照原請給獎摺

附陳張補用總兵更各福齊片

卷三十二

擬購機器僱洋匠試造輪船先陳大槩摺

閩商應帶完課銀兩歸票運收算摺

請將前保各員仍准開復原官片

閩餉支絀仍請接撥關稅銀兩接濟摺

卷三十三

錫爵恪靖伯謝

恩摺

浙省建祠合祀陣亡將士請入祀典致祭摺
閩鹽運成效截敷造報擬請著爲定章摺
閩省僱出師馬匹請免造扣乾銀摺

請給出力洋將功牌翎頂金牌片

陳明捕泊興泉汀漳各處土匪情形摺

按治土匪出力人員陳請可否保獎片

懇免現商帶輪俾顧課盤摺

閩商力顧票運課釐懇免兼徵裕息捐

卷三十四

請派幫辦軍務大員以資贊助捐

請派重臣接管輪船周務捐

肅清全閩築保出力人等請獎捐

請加周藩司吳道二品頂戴捐

調補陝甘總督謝恩捐

請擬減兵加餉就餉練兵捐

添建水師弁兵駐守緬五店地方捐

請移營駐紮涓洲渡口等處捐

臺灣吏事兵事均宜及早綢繆捐

釐定閩屬進出款項停止攤捐另籌公費捐

卷三十五

閩省官吏應攤張丙夷務銀兩請免捐捐

籌款購買輪船機器請令沈前撫仍管船政捐

陳明酌增省標兵丁折色米價捐

請將傷發身故之副將從優議卹片

徵收起運 銷茶稅未能定額情形捐

擬辦軍需支收款目總數章程摺

保獎克復鎮平嘉應縣平髮逆出力員弁摺

請將出力洋弁優加守備銜片

保獎遼寧全軍出力員弁摺

查辦辦致餘匪擒捕事竣地方安謐摺

卷二十六

陳明籌撥鹽課銀兩批解京餉摺

鹽商欠款設措賠完請開復原資摺

鹽務各賠課銀兩分別請豁摺

民欠坵折舊有賊引各款懇一體豁免捐
閩省吏事需才請飭署藩司久任經理捐

陳請停止閩省武職捐例片

調回親兵隨征并分辨各土匪大致就緒捐
停止勸捐運本陳報收捐銀數捐

卷三十七

給兵司票請改動釐收買捐

統擬暫停借給兵丁穀價銀兩片

請將金門鎮總兵改爲副將捐

恭報交卸克期啓行並留軍駐鎮上下游摺
陳明籌通閩省綠營兵額餉項摺

卷三十八

詳議創設船政章程購器募匠教習摺

船局事件仍必會銜具陳以昭大信片

鐵船槽多用銀兩擬就續撥關稅內提用片

附陳胡道往來照料聽候差遣片

咨送有裨船政官紳交船政大臣差遣片

恭報西征起程日期摺

附陳劉幫辦親喪服闋片

覆陳業經交卸閩浙督篆情形片

請撥西征的餉以措危局摺

在浙送保各員陳請仍照原單給獎摺

左恪靖侯奏稿初編總目終

恪靖奏稿初編卷一目錄

督辦浙江軍務據探省城失守現辦情形摺

請催調各路營勇來浙並迅發捐輸部照片

請速令劉總兵募勇來衢設立水師署衢鎮片

補授浙江巡撫謝恩摺

奏官軍出徽入浙三獲大捷衢屬開化肅清摺

覆奏駐軍開化馬金街正可兼顧衢城摺

附奏官軍入浙應設糧臺轉運接濟片

叙保軍中尤爲出力文員以資臂助片

初編卷一目錄

請迅敕催調所知各員速來軍前差委片

督辦浙江軍務據探省城失守現辦情形摺

奏爲遵

旨督辦浙江軍務現據探報浙江省城失守敬陳辦理情形恭摺奏祈

聖鑒事竊臣於十一月二十六日江西廣信營次准兩江督臣曾國藩恭錄咨會兵部火票遞到咸豐十一年十月十八日內閣奉

上諭欽差大臣兩江總督曾國藩著統轄江蘇安徽江西三省并浙江全省軍務所有四省巡撫提鎮以下各

官悉歸節制浙江軍務著杭州將軍瑞昌幫辦并著留
國藩速飭太常寺卿左宗棠馳赴浙江剿辦賊匪浙省
提鎮以下各官均歸左宗棠調遣欽此同日欽奉

上諭前因浙江情形喫緊奉

旨令左宗棠統帶所部剋日援浙旋經曾國藩覆奏以
左宗棠方回救西路未能分身須俟湖北江西攻剿得
手或安慶克復再與左宗棠力謀援浙茲據瑞昌王有
齡奏江皖攻剿得手浙省賊勢疲猖請飭左宗棠督辦
浙江軍務等語逆首李秀成大股及江西湖坊等賊盡

驅入浙加以僞侍王李世賢大股盤踞金華一帶現已
攻陷嚴州府城及浦江義烏東陽餘杭新城等縣勢必
直撲省城旁竄甯紹幾於全浙糜爛浙省不保則金陵
蘇常甯廣之賊得以進退自如且徽州廣信必遭肆擾
其害曷可勝言本日已明降諭旨令曾國藩節制浙江
全省軍務並令江蘇安徽江西浙江巡撫提鎮以下各
官悉歸節制該大臣自不能不統籌兼顧況安慶已經
克復湖北江西軍情亦有起色將次肅清自不至有顧
彼失此之虞著曾國藩卽飭左宗棠帶領所部兼程赴

浙督浙軍務浙省提鎮以下統歸調遣迅奏膚功以圖
挽救東南大局左宗棠入浙之後所需糧餉軍火浙江
力難猝辦著毓科先行籌撥銀十萬兩解交應用於浙
江代墊江西援軍口糧項下如數劃還並著慶端瑞璜
按月籌銀十萬兩同軍火等項一併源源接濟毋許遷
延推諉致誤事機欽此又同日准兵部火票遞到議政
王軍機大臣字寄咸豐十一年十月廿三日奉
上諭浙省待援孔亟急盼左宗棠一軍迅速趕到方能
挽救大局著曾國藩仍遵前旨迅飭左宗棠帶領所部

星馳赴浙督辦軍務毋稍延緩所撥江西軍餉十萬兩
卽由左宗棠催提應用以利師行欽此跪誦之下感陳
難名伏念臣一介寒儒未請戎務仰蒙

先皇帝特達之知由舉人疊次

拔擢補授太常寺卿幫辦軍務每思殫誠盡瘁以圖一
報茲復蒙

皇上恩命督辦浙江軍務雖目恨才力庸下未能匡時
濟變仰副

恩知然當全浙鼎沸之時又何敢稍事談延自干咎戾

十一月二十六日准曾國藩恭錄

諭旨咨會之後卽宣示各營嚴裝以待一面飛咨江西撫臣速清臣軍積欠之餉以利師行咨閩浙督臣籌備餉需俾免臨時掣肘正料理間二十九夜忽接徽州防軍副將張運桂馳報逆首偽輔王楊輔清糾合大股由浙回竄突犯徽州界口深渡等處據生擒賊供楊逆意在擾徽郡以犯江西臣以徽郡爲皖南江西大局所關且係臣軍入浙後路斷不可任其滋蔓立派九營交花翎直隸州知州劉典督帶於十二月初二三等日馳赴

婺源督同臣所部留防婺源之四營相機援剿扼其奔衝如可迅速藏事各營卽由婺源入浙路徑亦不爲迂其臣留駐廣信各營共三千人擬卽進駐玉山一俟江西欠餉解到散給口糧迅卽啟行以圖進取惟浙江全省自金華嚴州處州失守後紹興甯波台州相繼淪陷局勢全非由江西入浙之道遍地賊氛逆賊每陷一城卽分黨踞守並盤踞村莊設立卡隘勢非節節攻剿不能深入節節攻剿又恐曠日持久餉竭兵疲先已自困勢非乘虛蹈瑕誘賊野戰不可以東南現在大局言之

湖北江西一律肅清皖北逆氛漸熄羣賊悉萃江浙兩
省如各路統兵諸臣聲勢聯絡能力保完善之區以規
進取則江西湖北安徽數省生民稍得蘇息錢漕釐稅
徵收日廣從此漸逼漸進庶可作士氣而掃賊氛利戎
機而速戡定以江浙現在局勢言之皖南守徽池以攻
甯郡廣德浙江守衢州以規嚴州閩軍嚴遏其由浙竄
閩以統犯江西之路然後餉道疏通米糧軍火接濟無
悞諸路互相知照壹意進剿得尺則尺雖程功迂緩實
切可期此固一定之局也正在籌畫布置忽接署金衢

嚴道江允康等片報浙江杭州城外營盤逃出把總王祖達稟稱十一月二十八日辰刻見逆眾在鳳山望江兩門扒城而進城中各處火起杭城登時失陷現在潰兵紛紛四散等語臣維杭城被圍日久外援不至卒有此變臣與閩浙督臣均奉

旨援浙之人坐視列郡淪胥生民塗炭罪何可逭惟事勢業已如此則援浙之局應卽通盤籌畫從新整理以圖恢復查浙江軍務之壞由於歷任督撫全不知兵始則竭本省之餉以濟金陵大營皖南各軍圖藉其力以

爲藩蔽而於練兵選將之事漫不經心自金陵皖南大
局敗壞之後又復廣收潰卒糜以重餉冀其復振卒之
兵日增而餉日絀軍令有所不能行以守則逃以戰則
敗恩不知感威不知懼局勢愈益渙散決裂而不可復
支矣臣奉

命督辦浙江軍務節制提鎮非就現存兵力嚴爲挑汰
束以營制不可非申明賞罰予以實餉不可非另行調
募預爲換補不可然欠餉日久則有不能汰遣之患餉
需不繼則有不能調撥之患經費不敷則有不能募補

之患名爲節制提鎮實則營官哨長亦且呼應不靈不
得其臂指之助而徒受其迫促之擾雖有能將無餉何
以馭兵雖有謀臣無兵何以制賊此事之應辦而不能
辦者奉

旨令江西撫臣籌解臣軍餉十萬兩以速師行現在江
西悉力供支留國藩大軍臺庫蕩然實形拮据撫臣毓
科於臣軍餉事頗肯留心然江西已積欠十餘萬兩其
奉

旨籌撥之項恐一時難以解齊至慶端前此奏請

三才集卷一
飭催臣軍人浙時已預將臣軍之餉議之江西以後祇
有咨催公牘私函於臣軍餉需從無一字說及雖奉
旨按月籌撥十萬兩同軍火接濟臣比恭錄

諭旨咨商請派實缺司道設立糧臺督臣卽派署浙江
金衢嚴道江允康辦理頃據江允康等稟翻向臣請領
米糧軍火子藥明知臣軍欠餉已多軍需無出故意刁
難事同兒戲臣軍人浙以後餉需茫然兵勇卽有饑潰
之時軍火卽有缺乏之慮縱令竭力圖維何從措手可
否請

旨勅下部臣查明各省應協濟浙江之欸開省及各省奉

旨撥解援浙軍餉各欸趕緊運解廣信府交臣後路糧臺以應急需一面由部臣開單知會到臣如各省撥解逾延及委員遲遲貽誤應由臣隨時咨明部臣查取藩司及委員銜名參奏候旨是否可行之處并候

聖裁再此次拜發摺片係借用廣信府印入浙以後軍行靡定可否准用木質關防

奏報之處并祈

訓示所有遵

旨赴浙緣由謹專摺由驛馳

奏伏祈

聖鑒訓示施行謹

奏

咸豐十一年十一月十五日

議政王軍機大臣奏

旨月有旨欽

請催調各路營勇來浙並迅發捐輸部照片

再用兵之道選將爲先臣自上年襄辦軍務卽募勇丁
五千餘訓練兩月率以東行轉戰江皖之間尙能得力
曾國藩屢次面商請募足萬人臣以謀餉爲難人才難
得未敢徑諾現在陸續增加尙止八千餘人除留防婺源
四營外能隨臣出戰者不滿七千兩浙爲賊淵藪遍
地賊氛占地千數百里賊眾數十萬近則裹脅益眾爲
數愈增臣以孤軍轉戰而前有守城之兵卽無進剿之
兵有攻城之兵卽無截剿援賊之兵有攻剿一路之兵
卽無牽制各路賊勢之兵又加之各將領從征日久除

傷亡外有積勞致疾而殞者有因事請假而歸者局勢
益寬人才日乏殊爲可危廣西臬司蔣益澧才氣無雙
任事勇敢本年春間以臣軍太孤願率所部助臣討賊
臣比函商曾國藩

奏調赴皖尚未具奏旋蒙

簡放廣西臬司廣西巡撫劉長佑新授貴州巡撫江忠
義湖北巡撫李續宜署四川布政使劉蓉皆臣同鄉素
契氣類相許之人所部素多勁旅江忠義亦曾兩商願
爲臣募選將士助剿劉長佑已擬派副將戴盛寬挑勇

丁五百名前來尙未見到湖南撫臣毛鴻賓憐臣軍餉
苦者願助臣每月一營五百人之餉現在浙江全局已
壞急應及早從新布置以期挽救東南應請

旨勅下廣西撫臣劉長佑速催蔣益澧統帶所部挑募
勇丁合成數千並飭副將戴盛寬速帶所募一營星速
前來以當一路其江忠義李續宜劉蓉軍務方殷需才
亦急未能多所分撥惟浙江全省決裂時局攸關不得
不先其所急應請

旨勅下各臣令其精選一營兩營前來又

欽差大臣貴州提督田興恕所部亦多驍勇之士應并請

旨令其遴選勇丁千名派提督銜總兵沈宏富管帶前來由臣調遣藥品既備攻達自神壁壘一新軍威自肅所有上項請調各營蔣益澧所部應請

勅下兩廣督臣勞崇光籌給行資其由湖南江西經過各營行資應由湖南江西撫臣發給臣現咨商毛鴻賓毓科派所屬籍隸浙江道府各員勸諭浙江流寓之官紳商募捐輸軍餉并請

勅下戶部速發職官花翎藍翎部照及封典虛銜監生
從九執照配搭一千張分交湖南江西撫臣飭司轉發
以期迅速集事其部照未到之前卽由湖南江西撫臣
挪墊開銷將來卽歸入兩省援浙捐輸欸內造報是否
如斯統候

皇上訓示謹

奏咸豐十一年十二月十五日

議政王軍機大臣奉

旨另有旨欽此

請速令劉總兵募勇來衢設立水師營衢鎮片

再浙省局勢僅存衢州一府城衢州地勢爲江西福建
樞紐又浙省水陸通途本關緊要現在衢州鎮總兵李
定太所部八千五百人兵力不爲不厚然兩次大股賊
匪經過李定太僅守一城未能截阻衢屬各縣任賊縱
橫毫無布置現署衢州鎮總兵崇志聞其技藝尙優然
未經戰陣不知可恃與否新授總兵朱品隆隨征皖南
勢難赴任臣查有前授浙江處州鎮總兵劉培元現在
湖南帶勇久經戰陣該員熟諳水戰機宜亦能陸戰恢

復浙江局勢必須於衢州設立水師以爲陸軍之助惟
劉培元人地相宜可否請

旨勅下湖南撫臣速令劉培元募勇三千來衢卽署理
衢州鎮總兵以資得力其劉培元未到署任以前衢州
防務應卽責成李定太經理倘敢仍前玩泄再有貽誤
臣卽據實嚴參請

皇上治以應得之罪是否可行伏乞

聖鑒訓示謹

奏
咸豐十一年十二月十五日

議政王軍機大臣奉

旨另有旨欽此

議政王軍機大臣 字寄同治元年正月初四日奉

上諭曾國藩左宗棠各奏浙甯徽圍逼籌全局以圖補
救並請調各路兵餉各摺片當即降旨均照所請分別
辦理矣曾國藩自請嚴議之處前因浙省失陷已將該
督交部議處毋庸更議當茲事勢貼危該大臣受國重
任惟當與左宗棠同心戮力宏濟艱難力圖恢復以挽
東南全局方爲不負委任不在區區小節引咎自責也

浙蘇兩省膏腴盡爲賊有窟穴旣成根柢已固賊號稱數十萬亂民潰勇裹脅日多勢將上竄皖南內犯江西以擾我軍後路全浙所存雖有湖郡海甯州兩城又孤懸賊中獨衢州一府尙可圖存如該大臣所議左宗棠一軍惟有擇要於衢徽與廣信三府相機調度飭令衢州各軍堅守與徽信相爲犄角先據形勝以固江西皖南邊防一俟徽閩得解卽當調齊各軍分路進取其所謂調之蔣益澧各軍業經寄諭劉長佑卽飭該員迅率所部與戴盛寬帶勇五百速赴浙營並諭李續宜江忠

義及駱秉章傳諭劉蓉均各精選一兩營之兵田興恕
派令總兵沈宏富帶勇千名赴浙助剿所過江西湖南
地方亦諭毛鴻賓李桓支應以利軍行由部發給空白
執照交該撫等速籌辦理將益澧之軍卽飭勞崇光籌
給行資俾速就道惟該員等所部各軍均恐一時難以
速到事機如有可乘該撫務當及時進取諒不至於坐
待濟師轉滋貽誤江蘇按察使湯雲松久病廢事現已
勒令休致卽將陳士杰簡放斯缺並寄諭毛鴻賓飭令
該員帶領桂勇四千速赴安慶交曾國藩調遣所請浙

省各官悉賜簡放即日已將蔣益澧簡放浙江布政使
曾國荃簡放浙江按察使曾國荃回籍募勇即可到營
該員久歷戎行與該大臣講求親切庶足與左宗棠指
臂相聯以期有濟蘇浙糜爛省分人皆視爲畏途誠如
該大臣所奏惟有選擇能戰之文員以補兩省之實缺
或能漸集乃事並著曾國藩左宗棠隨時訪查將能勝
蘇浙兩省監司道府之員保奏前來以備簡用閩浙總
督慶端自閩浙警卽飭督師援剿屢次遷延弗進迭經
嚴加訓飭並將該督革職暫留本任姑照曾國藩四條

內所議諭令該督駐師浦城與左宗棠等軍聯絡第恐該督未必得力其於福建本省吏治官常不能振作早有所聞並著曾國藩詳加訪察如閩浙督撫均屬未能勝任卽行據實奏參毋避嫌疑致滋貽悞並將能勝該省督撫之員採訪確實列名具奏浙省軍情萬緊餉需自不能不寬爲籌備前因薛煥奏杭城危急曾照王有齡所籌將廣東每月協浙餉銀五萬兩江西湖南湖北每月協浙餉銀各三萬兩均由上海豫納中外商人貨稅給單執赴各省抵匯浙餉卽由薛煥收集此項抵餉

設法運浙寄諭各該督撫遵照辦理其各省如有海道及他路可通浙省者均卽各將應協月餉分途解運本日又經寄諭各該省卽遵前旨妥辦接濟左宗棠軍營並將曾國藩所請福建閩海關撥濟浙江月餉三萬兩諭慶端等撥解交左宗棠軍營廣東粵海關撥解浙江月餉十萬兩諭勞崇光等或由江西轉解左宗棠軍營或由海道駛運上海由曾國藩轉解左宗棠軍營總期得以迅籌接濟俾利軍行因思上海雖僻處一隅勢如累卵而該處華洋商賈輻輳餉源甚裕近聞兩月之間

洋稅已收八十萬兩如能協力保全得人而理於餉需
籌濟定屬有裨且能緩急就近應手著曾國藩在案
悉心籌畫於將來進攻蘇常一路亦必有益現在各省
協餉斷難得濟滬關釐稅兩項自有盈餘卽著該大臣
等先行提用浙餉緊急本日已諭令薛煥先行酌撥接
濟並著曾國藩查明如有收集前項抵匯浙餉一併催
提以濟急需各省團練大臣均已陸續撤回龐鍾璐晏
端書兩員此時恐尙各有經手事件著曾國藩仍遵前
旨催飭李鴻章帶領所部前赴鎮江將江南北各事宜

公爲接辦一面迅速具奏昨據袁甲三奏六合縣城已克復則天長自可得手李鴻章到鎮後可與都興阿聯絡聲勢籌商進剿爰宜屆期即可將龐鍾璐等撤回劉培元所部已諭毛鴻賓速飭該員帶領赴徯一俟到防該督卽行馳奏以便降旨令權衢州總兵卽可將李定太酌撤其未到以前仍舊將稽防責成李定太妥爲經理毋任貽悞左宗棠雖經簡放浙撫一切進兵機宜仍著與曾國藩通籌大局不可以身任地方爲職守所牽稍涉拘泥蘇常爲財賦之區如果兵力可以規復卽著

會商辦理毋失機宜慶端派辦糧臺之署金衢嚴道江
允康如不得力聞著左宗棠將該道撤去糧臺嚴督參
奏並派員接辦以資得力曾國藩節制四省昨又簡授
協辦大學士其敷乃腹心弼予鄧治朕實有厚望焉苗
練應剿情形卽飭多隆阿等軍迅克廬州方可與袁甲
三合力進剿浙省圍防卽信葉經飭部頒鑄左宗棠所
請刻用木質關防卽著暫行照辦將此由六百里加緊
各諭令知之欽此

補授浙江巡撫謝

恩摺

奏爲恭謝

天恩事同治元年正月十七日浙江開化張村行營承
准議政王軍機大臣字寄咸豐十一年十二月二十五
日奉

上諭左宗棠已授浙江巡撫刻下計已抵浙著卽會合
閩師分道進攻曾國藩飭令鮑超進攻甯國以便進規
浙省爲左宗棠後路聲援是爲至要欽此跪誦之下感
悚難名伏念臣湘水庸材韜鈴未習屬以羣盜縱橫勉

襄我事寸功未立遽忝卿班茲復蒙

恩旨昇以危重寄自付才識庸闇末山圖報蒲埃

寵命驟頒感慚曷既現在兩浙糜沸時事艱危謹當殫

誠盡瘁奮勵戎行隨同兩江督臣曾國藩妥慎辦理稍

求仰答

高厚鴻慈於萬一所有微臣感激下忱謹具摺附驛恭

謝

天恩伏乞

皇上訓示謹

奏同治元年正月二十九日

議政王軍機大臣奉

旨知道了欽此

奏官軍由徽入浙三獲大捷衢屬開化肅清摺

奏爲官軍由徽入浙截剿巨股賊匪三獲大捷衢屬開化肅清恭摺奏報仰祈

聖鑒事竊賊首偽輔王楊輔清率大股賊眾回撲徽州均由嚴州府屬之遂安踰嶺而入一蔓延徽州府屬之屯溪皇墩嚴寺潛口等處揚逆率之以窺徽郡一蔓延衢州府屬開化之張村中村馬金高坪高環徐塘口秧坂明連等處賊目炳天義鍾明佳理天義藍以道等率之以窺婺源兩股合計人數不下十萬其奸謀在深入

江皖腹地阻我援浙之師以合圍徽郡臣於上臘派花翎候選直隸州知州劉典率各營由廣信間道馳赴婺源擬固婺以援徽事竣後卽由此入浙業經奏報在案十二月十五日拜摺後劉典械報鍾逆及各股匪盤踞張村中村等十餘處將山濟嶺大鋪諸嶺犯婺臣以賊勢趨重婺源我軍併留防婺源之兵僅五千餘不敷防剿婺源地勢居安徽徽州江西廣信兩郡之中北可掣圍犯安徽徽郡之賊南可過分皖江西饒州廣信之賊中可截浙江開化遂安之賊地勢在所必爭十九日親

率留駐廣信之親兵營老湘營拔營入發行抵德興飭
辦理老湘營營務擬保運司銜花翎補用道王開來率
老湘七營赴德發交界之白沙關臣自率親兵營五百
餘人赴營督剿時賊目鍾明桂已遣零騎分犯大鋪嶺
濟鎮嶺脚婺源守嶺練丁紛紛告急劉典派隊下嶺擊
卻之二十六日劉典率各營由江灣過大鋪嶺進剿擬
保花翎同知直隸州知州朱明亮帶桂營由左路進中
營三哨繼之擬保副將銜花翎參將黃少春帶左營由
右路進擬保花翎同知直隸州知州張聲恒繼之擬保

參將花翎遊擊黃有功擬保副將花翎參將陸金城擬
保遊擊花翎都司楊和貴帶前左右三旗由中路進中
營兩哨繼之擬保花翎遊擊銜都司馬德順擬保副將
銜參將楊芳桂各率馬隊出中路步隊之後相機抄擊
朱明亮恃勇先進四鼓列炬直摩張村賊壘賊倉卒迎
拒勢已不支忽嶺上瞭望之賊見官軍深入吹角擂鼓
四路包抄而下擬保訓導廖生陳修匹馬衝突手刃數
賊力竭陣亡勇丁從死者二十六名朱明亮領隊左右
衝突正危急間黃少春張聲恒率所部從右路石佛嶺

馳下賊分途迎拒黃少春張聲恒整隊衝殺斃悍賊數百名忽曾村賊從後路抄至黃少春張聲恒併力分堵楊和貴帶所部緣崖馳下劉典率中營中後二哨及黃有功眭金城等急進馬德順楊芳桂率馬隊斜出抄之逆賊數路俱敗各營分途躡蹤猛追至厚山始收隊踰嶺而還此去臘二十六日進剿開化張村中村等處賊巢克獲大勝之實在情形也是役連破賊卡賊巢十餘處陣斬應天福李逆及大小賊目五十餘名斃賊一千數百名奪獲大小偽印五百餘顆生擒長髮賊百五十

餘名拔出難民男婦幼孩數千名奪獲賊馬四十餘匹
刀矛鎗礮約二千餘件兵勇陣亡者其三十七名受傷
者至百三十餘名之多蓋亦血戰矣鍾逆敗後退至馬
金街老巢是日徽防副將張運桂督皖南鎮總兵唐義
訓衢州鎮總兵朱品隆會擊嚴寺潛口之賊亦獲大捷
賊巢一空餉道無梗偽輔王楊朝清遂於二十九夜喪
膽風竄徽郡解嚴而婺源之防亦固自二十六夜子刻
大雪至除夕止嚴壑皚素漫漫不辨行徑元日天氣晴
霽旬有餘日冰凍尚未全消嶺路艱阻同治元年正月

十五日始率七營由江口踰大鋪嶺進劉興率五營
由江灣踰濟嶺進先飭王開來率老湘七營由白沙關
進駐篁岸兼扼開化華埠之衝十七日臣部前隊甫抵
篁岸忽報逆眾數千先夕五更捲旂蛇行由銀坑出張
村曹門而至石佛嶺楊和貴等前驅遇賊卽與之戰賊
由石佛嶺分路包圍楊和貴分路禦之擬保遊擊銜都
司張人和派隊助剿正鏖戰間王開來令參將羅瑞山
郭德馨趙仁和副將王明輝等率所部分由篁岸左右
衝出幫辦潘謨康榮詔等率所部由中路繼之賊不意

官軍突至駭而奔官軍乘勝蹙之愈散愈猛斬馘無數
進至張村始收隊而還臣於十八日率各營進駐江村
沿途按視戰地見滿蒙賊尸聯列山谷提訊所獲生賊
知鍾逆自退竄馬金老巢後糾約竄踞遂安之僞大佐
將理天義藍逆及桂逆等挑選悍賊突襲董岸營壘遇
官軍大至遂致敗潰其計斃悍賊近千生擒百餘陣斬
黃馬褂賊目及僞檢點僞將軍等十數名奪獲僞印十
餘顆旂幟器械無算此正月十七日迎勦開化張村銀
坑石佛嶺竄賊克復大捷之實在情形也十八日臣率

各營行抵張村劉典率各營進至何村兩路相距三十餘里持以日糧約期分路進剿皆以七成隊出戰三成隊守營賊於馬金街高環霞山厚山徐塘口秧坂等處披險爲寨而於近巢數里十數里山凹遍立卡棚及梅花椿層層密布守禦甚固十九日周覽地勢直逼賊卡始遣斥候傳知各營二十日黎明派隊由嚴坑出口先攻高坪一路賊卡劉典率各營先攻高環一路賊卡兩路各分數枝正兵趙張撲卡之勢不令遽進奇兵捲旂登嶺度行過賊卡始揚旂發鼓乘之嚴申不准拾取

賊賊不准散隊之禁剗掃除賊巢乃許收隊遵者斬反
刻黃少春張聲恒帶所部由何村出竹嶺之右攻高環
劉典督親兵及中營三哨繼之虎營馬隊隨後策應候
選知縣陶鴻勛貴州文生鄭錫澤督中營二哨及擬保
遊擊余萃隆之新前屏別覓潛徑由橫嶺出大蘇坑逕
抵高環後嶺出賊不意賊擊之賊見正兵先出悉力憑
卡堵禦忽嶺後號鼓齊鳴奇兵突出賊不知所措棄卡
狂奔劉典黃少春張聲恒楊芳桂分四枝循嶺包抄而
下遮賊去路縱橫痛擊適張村各營已攻破高坪賊卡

擬保記名總兵崔大光朱明亮各率所部登嶺急進擬保同知銜卽選知縣劉琰候選主簿楊鼎勛同知銜候選知縣李耀南率親兵及擬保參將李世顏前補用參將彭定太楊和貴張人和馬德順等各率所部分途追剿前來與河村各營會合立將馬金霞山厚山徐塘口斫岸各處十餘賊巢掃蕩一空兩路分途搜剿共計斃長髮悍賊五千餘生擒賊二百餘名奪獲偽印大小九十餘顆解散裹脅難民數千拔出被擄婦女幼孩數百奪獲旂幟刀矛鎗礮牲畜不可勝紀敗賊或竄遂安或

竄常山地界均棄械狂奔經各鄉民沿途截殺者亦不下千餘名蓋逆以道據生擒賊供已於高環卡破時被官兵陣斬併獲其馬然未得其屍不敢信以爲實鍾逆聞高坪卡破已單騎先遁此外大小賊目如僞丞相檢點等僞官之被戮者約百餘名得僞照百二十餘紙皆五六年老賊此正月二十日官軍攻破開化馬金等處賊卡賊巢之實在情形也現在衢州府屬開化縣境一律肅清臣飭老湘營進駐開化縣城親率各營進駐馬金街相機再進探報遂安縣城尚有賊踞而衢州探報

龍游蘭溪逆賊有上犯江山縣境之耗大約與此股暗
約會圍衛城今此股既經掃蕩江皖邊境無虞衢州後
路自固臣官確探賊蹤相機援剿務保完善之區以剿
鴟張之寇斷不敢藉口調兵未集坐失事機至此次臣
所部由廣信赴婺出嶺剿除開化巨股惟前營留婺未
調餘皆隨臣轉戰而前三獲大捷將士踴躍隨征冒雪
馳驅著有勞績可否由臣擇尤保獎之處出自

天恩至陣亡之擬保訓導陳修都司銜藍翎守備朱三
和藍翎守備歐光保藍翎千總羅朝松藍翎把總曾義

成外委嚴福保舉朝棟可否請

旨飭部照例給予卹典所有進剿浙江開化各股匪獲
勝緣由謹會同協辦大學士兩江督臣曾國藩恭摺具
奏伏候

聖鑒訓示施行謹

奏

同治元年正月二十九日

議政王軍機大臣奉

旨另有旨欽此

覆奏駐軍開化馬金街正可兼顧衢城摺

奏爲遵

旨覆奏事竊臣於正月二十一日開化馬金街營次承
准議政王軍機大臣字寄咸豐十一年十二月二十九
日奉

上諭毓科奏浙逆竄近江境現飭各軍嚴防並募楚勇
防堵石逆等語據稱壽昌龍游股匪竄踞衢州府城十
餘里之烏頭一帶遂安踞逆又竄至開化之華埠地方
均距玉山不遠意在回竄江西其首逆楊輔清一股夥
黨十餘萬自浙下竄有欲取徽休並由婺源出江西之

信左宗棠現已分撥各軍赴婺源一帶迎勦並往華埠
駐守等情前因浙省軍務緊要疊經諭令左宗棠赴浙
援剿昨杭城失守復明降諭旨將左宗棠補授浙江巡
撫並諭令會合閩省援師進取杭省力圖收復現據毓
科所奏左宗棠僅分撥各軍往徽浙兩處防剿是該撫
尙在江境並未親督兵勇入浙於浙省軍務仍屬無涉
此時浙省逆餒方張勢將延及江境與其堵禦於廣饒
境內不若乘賊未至以前迎頭截擊以固江省籬籬著
左宗棠迅卽督率所部兵勇親赴衢郡將開化及附近

衢城股匪力行掃蕩並會合閩省援師及李元度進攻
龍游之師節節進剿爲收復金嚴之計倘金嚴一經收
復則官軍進攻杭郡自可杜賊匪由浙竄徽之路左宗
棠身任浙省封圻責無旁貸自當力籌進取毋得再事
遷延致滋貽誤近日一切軍情及如何布置並著左宗
棠迅速覆奏至由浙竄徽之楊逆一股現經左宗棠撥
兵赴婺源迎剿著卽飭令帶兵名員奮力截擊俟該匪
擊退後卽飭此路兵勇由徽入浙會合進攻以厚兵力
而分賊勢將此由六百里加緊諭令知之欽此跪誦之

餘莫名震悚竊臣前奉

諭旨督辦浙江軍務甫三日即接徽防副將張運桂等
首逆楊輔清率大股賊眾犯徽之稟臣以楊逆兇狡難
夥眾多必將分犯徽婺徽州僅張運桂一軍五千人婺
源僅臣留防之一千六百餘人以之當大股十萬之寇
未免太單深恐徽婺稍有疎虞則江西饒廣腹地防不
勝防而衢州又成孤注上軍入衢後路將梗不得已派
各營馬步三千餘交劉典率以赴婺爲固婺援徽之計
擬徽事速竣此軍即由徽入浙臣由玉山之浙率以進

勦去臘十五日拜摺後十七夜復接各路探報大股賊數萬已由遂安踞開化張村中村馬金街一帶與徽郡屯溪篁墩之賊相爲首尾蔓延百數十里逼近婺東大鏞嶺濟嶺山脚勢又出官軍之後臣以衢州城堅易守雖開省援師已經調回然李定太兵勇八千餘李元度所部安越軍七千餘又奉慶端檄調自龍游回衢兵力較厚暫可無虞逆賊每遇堅城必取遠勢包圍待其自困而後陷之頻年東南賊蹤驗之厯厯不爽辦賊之法必避長圍防後路先爲自固之計然後可以制賊而不

爲賊所制臣若先入衛城無益不能固江皖邊圉亦且不能壯衛城聲援一墮逆賊長圍詭謀又成糧盡援絕之局故決計率親兵營由婺源先勦開化之賊以清徽郡後路飭所部老湘營由白沙關漸進扼華埠要衝以保廣信而固衛城幸三次克獲大捷開化肅清婺源無警饒廣兩郡相苾以安而楊逆又屢爲徽軍所創敗潰宵遁臣軍可無須遠赴徽援尤非意想所及臣雖未親赴衛郡而開化賊巢掃蕩無餘臣軍現駐開化縣城馬金街兩處正可兼顧衛城未敢稍事遷延自干咎戾

臣奉

諭旨督辦浙江軍務又奉

恩命巡撫浙江浙事成敗利鈍臣一身任之無可委卸
謹當盡瘁圖之冀有尺寸之補惟師行荒僻之鄉又正
值戎馬倥偬之會有時奏報稍遲或思慮未周奏報未
及詳盡伏乞

皇上鑒臣愚衷

垂念微臣才力不逮

曲賜鑒原不勝惶悚感激之至所有遵

旨覆奏緣由謹具摺附陳伏乞

皇上聖鑒訓示謹

奏
同治元年正月二十九日

附奏官軍入浙應設糧臺轉運接濟片

再臣軍業已入浙所有餉需一切自應設立糧臺轉運以資接濟衢州偏於一隅難期應手現擬暫於江西廣信府設立糧臺爲收支軍餉子藥總匯再於玉山縣設立轉運局隨時轉運以利師行所有廣信糧臺查廣信府知府江西補用道鍾世楨精明幹練久歷戎行堪以

委辦其玉山轉運局卽由臣委隨征局員會同署玉山
縣知縣章徵潛爲經理均可無悞惟此後各處兵勇調
集臺局事務益繁又師行日遠勢非逐漸擇地移設不
可鍾世楨章徵係江西守令職任攸羈臣軍隨征之員
無多委實無可調遣查有湖南候補道籍隸浙江之王
加敏自咸豐四年以來在湖南辦理軍需糧臺從無貽
誤事無鉅細均必躬親所辦軍裝子藥費省工良遠勝
各省該員樸謹耐勞臣所深悉又聞籍隸浙江之江西
候補道胡塘急公慕義勤幹有爲現已行抵江西堪以

委辦臺局各務該兩員均以浙江之紳辦浙江之事情
形既熟呼應較靈若令過赴臣營聽候差委必有裨益
合無仰懇

皇上天恩勅下湖南江西撫臣查照臣奏飭催各該員
迅速遵辦俾臣得收指臂之助豈意進剿庶於軍務有
裨謹附片請

旨 同治元年正月二十九日

議政王車機大臣奉

旨另有旨欽此

敘保軍中尤爲出力文員以資贊助片

再杭城之陷失事各文武多由海道奔赴上海縱令繞道馳赴臣軍多係應行查辦之員未敢朦混收錄將來克復城池卽需委員經理而臣軍差遣之員現在奏調各員又難刻期趕到計惟有將臣軍尤爲出力應保之各文員先行甄敘花翎候選直隸州知州劉典謀勇兼優材堪重任應請以知府留於浙江補用並

賞加道銜花翎同知銜卽選知縣楊昌濬廉明篤實曉暢戎機請以同知留於浙江補用候選主簿楊鼎勲深

明方畧勇敢有爲應請以知縣留於浙江補用並

賞加同知銜擬保同知銜知縣劉琰樸勇善戰紀律嚴
明應請以同知留於浙江補用並

賞戴花翎擬保知縣卽選府經歷縣丞陶鴻勛敏練勇
往血性過人應請以知縣留於浙江補用並

賞加同知銜貴州廩生鄭錫澤膽氣甚優不避艱險應
請以知縣留於浙江補用

賞戴藍翎同知銜卽選知縣李耀南久歷戎行勇敢樸
練應請以同知留於浙江補用五品銜卽選縣愨李壽

榮勸懇篤實應請以知縣留於浙江補用文童朱鈺勸
幹漢誠應請以縣丞留於浙江補用五品銜卽選知縣
陳盛治精細幹練應請留於浙江以知縣卽補俟補缺
後以同知升用以上各員隨臣辦理軍務已久臣深知
其性情才具迥異流俗伏懇

皇上天恩俯准所請俾臣得收指臂之助於浙省吏治
軍政必有裨益謹附片請

旨 同治元年正月二十九日

議政王軍機大臣奉

旨另有旨欽此

請迅收催調所知各員速來軍前差委片

再浙江列郡淪胥大局廢燭更治軍事需材孔殷非加
意接羅量材器使不足以宏濟時艱其持危局以臣所
知漢軍正白旗兵部候補主事李雲麟剛明耐苦在湖
北帶勇有年曾立戰功毫無軍營氣習質地實堪造就
湖南在籍員外郎候選知府鄧繹留心經濟立志不苟
江西丁憂在籍兵部主事夏獻綸安詳練達器識宏遠
湖南候補同知謝大舒曾在江西萬載本籍辦理團練

出力品正才長湖南平江縣在籍五品銜候選知縣張
岳齡湖南告假在籍湖北候補知府周開錫才識均優
饒有吏幹湖南湘鄉縣五品銜候選教諭成果道甯鄉
縣在籍光祿寺署正銜候選訓導魏良湘潭縣在籍候
選主簿吳國佐鄒壽璋廉明勤幹志趣甚正湖南澧浦
縣舉人嚴咸抱負甚偉饒有識畧湖南臨湘縣舉人陳
友詩候選訓導田鉅性行純樸才具亦長候選訓導葛
鉞候選從九未入夏鴻先遇事勇敢膽氣殊優安徽桐
城縣文生世襲雲騎尉馬壽華才氣豪邁節操卓然湖

南湘鄉縣候選縣丞易方候選光祿寺典簿陳夔爵沈
殺有爲深明方畧以上各員請

飭下正白旗漢軍都統江西安徽湖南各撫臣迅速催
令前赴臣軍聽候差委將來卽請留於浙江按照資階
酌量委署序補伏候

聖鑒訓示謹

奏同治元年正月二十九日

議政王軍機大臣奉

旨另有旨欽此

議政王軍機大臣 字寄同治元年二月十七日奉

上諭左宗棠奏督軍入浙截勦巨股賊匪疊勝衢屬開
化肅清並請飭派辦糧臺獎敘隨征出力飭調赴浙差
委各員等摺片當即明降諭旨准其奏保出力員弁將
陣亡之擬保訓導陳修等議卹郎中李雲鵬等飭令赴
浙直隸州知州劉典等分別獎敘並寄諭沈葆楨毛鴻
賓卽飭廣信府知府鍾世楨等將糧局各事宜遵照辦
理矣惟所請調王加敏一員前經毛鴻賓奏參湖南現
辦軍需報銷該員經用各款尙未造報率稱並無經手

未完之件請咨回籍恐其有心脫卸別有侵冒等情請
暫行革職責成在局查辦舊案報銷當經允准茲據左
宗棠奏該員樸謹向在湖南辦理軍需從無貽誤懇飭
前赴浙江經理臺局各務以收指臂之效等語已寄諭
毛鴻賓酌量如可移緩就急卽飭先行赴浙以資委用
其湖南舊案應作何辦理仍飭王加敏聽候查辦左宗
棠之軍入浙所辦尙爲得手現在衢州所屬開化縣境
肅清衢郡後路可期穩固該撫率部進駐馬金街相機
進剿遂安之賊婺源既已無警饒廣兩郡亦相毗以安

江皖邊境不須回顧該撫胸有成竹定能步步爲營一意進取務當隨時與曾國藩通籌大局毋失事機所請調之李雲麟一員除諭知正白旗漢軍都統查傳外昨經官文以襄陽勦捻保獎恐該員此時尙在湖北著左宗棠一面咨行官文調取赴浙更爲妥速將此由六百里諭令知之欽此

同治元年二月十七日內閣奉

上諭左宗棠奏請將隨營出力各員先行獎敘等語浙省杭城失陷後失事文武均係應行查辦之員其將來

經理地方及現在軍營差遣在在之員自應照該撫所
請將隨營出力各員先行獎敘以資得力知州劉興著
以知府留於浙江補用並賞加道銜知縣楊昌濬著以
同知留於浙江補用主簿楊鼎勳著以知縣留於浙江
補用並賞加同知銜知縣劉琰著以同知留於浙江補
用並賞戴花翎卽選府經歷縣丞陶鴻勳著以知縣留
於浙江補用並賞加同知銜廩生鄭錫澤著以知縣留
於浙江補用並賞戴藍翎知縣李耀南著以同知留於
浙江補用縣丞李壽榮著以知縣留於浙江補用文童

朱鉅著以縣丞留於浙江補用卽選知縣陳盛治著留於浙江以知縣卽補俟補缺後以同知升用以示鼓勵該部知道欽此

同治元年二月十七日內閣奉

上諭左宗棠奏浙江吏治軍事需材孔殷請飭調各員赴營差委等語漢軍正白旗候選郎中李雲麟湖南在籍候選知府鄧繹江西在籍兵部主事夏獻綸湖南候補同知謝大鈺湖南在籍候選知縣張岳齡候補知府周開錫候選教諭成果道候選訓導魏良候選主簿吳

初編卷一

三

國佐鄒壽璋舉人嚴成陳友詩候選訓導田鉅葛鉞候
選從九品未入流夏鴻先安徽桐城縣文生馬壽華湖
南候選縣丞易方候選光祿寺典簿陳夔爵著正白旗
漢軍都統江西安徽湖南各督撫飭令各該員前赴左
宗棠軍營聽候差委催令迅速起程勿稍遲緩並准其
將來留於浙江補用按照資階酌量委署請補欽此